



**Politička organizacija građana "Naša stranka"**

Branilaca Sarajeva 5/1, 71 000 Sarajevo

Telefon: 033 408 888; Fax: 033 408 881

E-mail: [nasastranka@nasastranka.ba](mailto:nasastranka@nasastranka.ba)

Web: [www.nasastranka.ba](http://www.nasastranka.ba)

**Vildana Bešlija**

Zastupnica Naše stranke u Skupštini Kantona Sarajevo

Broj: \_\_\_\_/24

Sarajevo, 09.07.2024.

**Dostaviti:**

BOSNA I HERCEGOVINA

FEDERACIJA BOSNE I HERCEGOVINE

KANTON SARAJEVO

Skupština Kantona Sarajevo

n/r predsjedavajući Skupštine Kantona Sarajevo

**Uputiti:**

Vlada Kantona Sarajevo

Ministarstvo za odgoj i obrazovanje

## **PREDMET: ZASTUPNIČKA INICIJATIVA**

Poštovani,

Na osnovu člana 106. Poslovnika Skupštine Kantona Sarajevo ("Službene novine Kantona Sarajevo", brojevi 25/10, 14/11, 19/11, 7/12, 26/12, 15/13, 47/13, 47/15, 48/16, 9/20 i 14/20), Vladi Kantona Sarajevo upućujem inicijativu *za analizu dostupnosti produženog boravka za učenike od prvog do četvrtog razreda u osnovnim školama u Kantonu Sarajevo u skladu sa novim pedagoškim standardima (prostorni i ljudski kapaciteti i zainteresovanost roditelja), te prijedlogom mjera za subvencioniranje produženog boravka u osnovnim školama u Kantonu Sarajevo, a da se produženi boravak sufinansira iz budžeta s ciljem održivosti.*

### **OBRAZLOŽENJE:**

Na osnovu inicijative koju sam pokrenula 03.10.2023.godine za subvencioniranje produženog boravka u osnovnim školama, te na osnovu opredjeljena Vlade Kantona Sarajevo za većom dostupnosti produženog boravka koja je rezultirala izmjenom pedagoških standarda, pozdravljam izmjenu Zakona koji omogućava sufinansiranje produženog boravka iz budžeta, kako bi se ekonomski potpomogle porodice i djeca. Ova inicijativa predstavlja nastavak brige o našoj djeci, koje nastavljamo pratiti ih kroz život kao dio pronatalitetnih politika od rođenja, preko subvencije vrtića, obezbeđenja predškolskog obrazovanja, do subvencioniranja produženog boravka kao pomoć porodicama roditeljima, ali i samoj djeci.

Savremeni način života roditeljima nameće potrebu zbrinjavanja djece nakon redovne nastave. Ulogu organizovanja brige za učenike tokom radnog dana u velikoj mjeri preuzimaju osnovne škole kao primarne odgojno – obrazovne institucije.



**Politička organizacija građana "Naša stranka"**

Branilaca Sarajeva 5/1, 71 000 Sarajevo

Telefon: 033 408 888; Fax: 033 408 881

E-mail: [nasastranka@nasastranka.ba](mailto:nasastranka@nasastranka.ba)

Web: [www.nasastranka.ba](http://www.nasastranka.ba)

Produženi boravak je u zakonu prepoznat kao specifični oblik odgojno obrazovnog rada.

Nakon usvajanja novih pedagoških standarda i spuštanjem normativa očekivala sam veću dostupnost u školama i omogućavanje bolje pokrivenosti i olakšanja roditeljima donošenje odluke prilikom odabira škole, a posebno djeci boravak u školi sa aktivnim radom i izvršavanjem školskih obaveza. Na ovaj način želimo nakon politike subvencioniranja boravka u vrtićima brigu o našoj djeci podigli na veći nivo.

U produženom boravku izmjenjuje se vrijeme za učenje, vježbanje i ponavljanje gradiva te odmor i organizirane kreativne aktivnosti. Rad učitelja u produženom boravku drugačiji je od klasične nastave i učitelji na kreativan način povezuju učenje, rad i igru.

Učitelj produženog boravka preuzima dio roditeljske uloge. Cilj je učitelja u produženom boravku pripremiti učenike za bolje snalaženje u pisanju domaćih zadaća, ponavljanju, uvježbavanju i primjeni naučenog na redovnoj nastavi poštujući pritom skladan emotivan, društveni i psihološki razvoj učenika.

Zbog svega navedenog, a na osnovu informacija od zabrinutih roditelja da u pojedinim školama u kojima trenutno ima organizovan produženi boravak najavljeno je da isti neće biti organizovan za učenice i učenike trećih razreda

, molim da se posveti posebna pažnja Ministarstva i Vlade Kantona Sarajevo te izvrši neophodna analiza koja će uključivati:

- Informacije o sprovedenoj anketi za zainteresovanost za produženi boravak od prvog do četvrtog razreda u školama za svaku posebno
- Odluke direktora i školskih odbora o organizovanju produženog boravka uz obrazloženje
- Plan Ministarstva i Vlade Kantona Sarajevo ukoliko postoji potreba za obezbijedenjem potrebnih ili posebnih uslova za veću dostupnost produženog boravka kako bi spremni dočekali novu školsku godinu

Također predlažem da se razmotri mogućnost organizovanja ljetne škole, koja bi pružila atraktivan sadržaj za djecu i tokom raspusta za sve one koji to žele.

Ulagati u djecu u njihovom ranom djetinjstvu je najpametnija investicija koju država može napraviti.

S poštovanjem,

---

**Vildana Bešlija**

Zastupnica u Skupštini Kantona Sarajevo

Naša stranka